



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Mvndvs Et Mvndi Partes, Divinæ Bonitatis Ac Ivstitiæ
Præcones**

Stengel, Georg

Ingolstadt, 1645

§. 1. Bonitatis & justitiæ, in operibus Dei, arcta coniuncto.

[urn:nbn:de:hbz:466:1-52365](https://nbn-resolving.org/urn:nbn:de:hbz:466:1-52365)



M V N D V S,



MVNDI PARTES, DIVI-
NÆ BONITATIS AC IVSTI-
TIAE PRAECONES.

C A P V T I.

*Diuinam Bonitatem pariter iustam, &
Iustitiam, etiam cum punit, si-
mul bonam esse.*

§. I.

*Bonitatis & Iustitia, in operibus Dei,
arcta coniunctio.*



VI DEVM, in Mundo, esse
credit, si verè credit omnipo-
tentem, rebus omnibus præ-
sentem, omnia prouidentem,
omnia gubernantem; non tantùm summè
beneficum, & hominum bonorum aman-
tem, sed etiam maximè iustum, atque sce-
leribus irascentem esse, necesse est, vt fatea-
tur. Quod alio loco docuimus; & docet
Regius Propheta, dum ait: *Misericordiam,*
& *judicium cantabo tibi.* Hæc vtraque simul
& cantanda DEO, & hominibus inculcan-
da sunt; quia non solùm, in illo Ente sim-

L. 1. cap. 8.
de diuin.
judicijs.
Ps. 100. 1.

A plicif-

2 Cap. I. Deum, nec sine iustitia, bonum;

placitissimo, vnum sunt, sed etiam, quando erga mortales sese, diuersis operibus, exerunt, non separantur. Misereatur enim pariter iuste D. & misericorditer iudicat, plectiturque. Vsq; adeo, vt etiam nocentissimos quosque minus puniat, quam puniri mereantur. Hoc est, quod Habacuc para-

Habac. 3. *Doce, sed verè prædicat: Cum iratus fueris, misericordia recordaberis.* Hoc Dauid affirmat; docens enim, ex omnibus DEI operibus, misericordiam & iustitiam elucere, ait:

Pf. 24. 10. *Vniuersa via Domini, misericordia & veritas.*
Cassiodor. in Psal. 100. *Cui allonat Cassiodorus, ita scribens; Potestas Domini semper aut misereatur, aut iudicat.*

Sed neq; misericordia ipsius, sine iudicio; neque iudicium, sine misericordia reperitur. Vtraque enim se mutua societate coniungunt. Hæc est pulcherrima, in simplicissimo Numine, mixtura, vt vna virtus alteram commendet; & vtrunque suus fructus exiit, ac decor.

Iob. 1. 21. *Quapropter iustus Iob, & beneficientem DEVM, & verberantem expertus, in vtraq; fortuna, diuinam dilaudauit bonitatem; & quemadmodum non exorbitauit, in prosperis, ita neq; in aduersis, voluit cælo formulam intendere.*

